

2

DISSERTATIO PHYSIOLOGICA  
INAUGURALIS,  
DE  
CIRCUITU SANGUINIS  
IN FŒTU;

QUAM,  
ANNUENTE SUMMO NUMINE,  
EX AUCTORITATE REVERENDI ADMODUM VIRI,  
D. GEORGII BAIRD, SS. T. P.  
ACADEMIÆ EDINBURGENÆ PRÆFECTI;

NECNON  
AMPLISSIMI SENATUS ACADEMICI CONSENSU;  
ET NOBILISSIMÆ FACULTATIS MEDICÆ DECRETO;

**Pro Gradu Doctoris,**

SUMMISQUE IN MEDICINA HONORIBUS AC PRIVILEGIIS,  
RITE ET LEGITIME CONSEQUENDIS;

ERUDITORUM EXAMINI SUBJICIT

**ROBERTUS E. GRANT,**

**Scotus,**

*CHIRURGUS,*

SOC. REG. MED. EDIN. SOCIUS EXTRAORDINARIUS.

---

When the crude Embryo careful nature breeds,  
See how she works, and how her work proceeds.

BLACKMORE.

---

Die VIII. ante Calend. Julias, horâ locoque solitis.

EDINBURGI:

EXCUDEBANT JAC. BALLANTYNE ET SOCII.

---

MDCCCXIV.



DISSERTATIO PHYSIOLOGICA  
DE  
CIRCULU SANGUINIS  
IN FETU;

QUAM



When the embryo ceases to move,  
See how she works, and how her work proceeds.  
Blackmore.

De Vill. and Coland. Julia, Jan. 1. 1800. 1800.

EDINBURGH

EXCELSIOR JAC. BAILLIE & CO. 1800.



FRATRIBUS SUIS SENIORIBUS,  
PETRO, ALEXANDRO, ET LUDOVICO GRANT,  
ARMIGERIS,

ÆQUE DOTIBUS ANIMI AC PIETATE VITÆ AMANDIS,

HAS STUDIORUM SUORUM PRIMITIAS,

PIGNUS AMORIS SEMPITERNÆ,

DICAT ET DEDICAT

AUCTOR.



Digitized by the Internet Archive  
in 2020 with funding from  
Wellcome Library



## DISSERTATIO PHYSIOLOGICA

INAUGURALIS

DE

*CIRCUITU SANGUINIS IN FÆTU.*

---

AUCTORE ROBERTO GRANT.

---

VARIAS inter scientiæ partes, ad quas maturandas, hæc tempora experimentorum uberri-  
ma contulerunt, locum forsân principem tenet  
Physiologia. Nubes densæ, quibus “ Vitæ sci-  
entia” olim fuit obducta, et a hominum conspec-  
tu penitus occlusa, nunc, aliis disciplinis adju-  
vantibus, velut, sole oriente, noctis tenebræ,  
evanescent : semitæque diversæ, quæ genus hu-  
manum ad sapientiam felicitatemque perducant,  
nunc in clara lucē conspici cæperunt. Non de  
natura, sed de operibus, Dei omnipotentis ;



non de causis abditis, sed effectibus, nunc inter philosophos quæritur: ita Physiologi non animæ sedem vel naturam, sed animantium functiones scrutantur. Illa, quod ad nos, atra caligine mersa semper manebunt: hæc autem ante oculos manifesta patent.

Ut Physiologia functiones, sic Anatomia structuram animantium omnium demonstrat.

“ La Vie (inquit clarissimus Bichat<sup>1</sup>) est l'ensemble des fonctions qui résistent à la mort ;” et quicquid in hoc sensu vitam habet, animans nominatur: Plantarum inde cognitio, æque ac animalium, ad has scientias pertinet. Homo tamen, omnium naturæ operum vel organicorum vel inorganicorum, longe nobilissimus, cui soli dantur imperium mundi, forma et mens divina, studio haud dubie nostro dignissimus est. Quid animo contemplativo jucundius

---

<sup>1</sup> Recherches Physiologiques, p. 1.



esse potest, quam hunc regem terrarum orbis, a puncto vix visibili, vel quasi pulvisculo in humore viscido natanti, nascentem observare, et mentis oculo sectari varias metamorphoses per quas ab hoc tempore transit, donec tantas acquirit vires ut animalia omnia imperio suo subjicere posset, et quum siderum cursus et motum persequi, eventa futura vaticinari, et etiam Jovis fulmina a cœlo rapere pollet?

Quo junior Homo est, eo simplicior structurâ et vitâ. Dum adhuc in Utero materno manet, ei nullæ sunt functionum istarum quæ a Bichat vocantur “*Animales*,” quibusque solis animalia a plantis distinguuntur. Omnino inde vegetabilis est, ad unam partem radice fixus; sine vi ulla voluntaria, quâ seipsum moveat; vel ulla mente, quâ de rerum naturâ cogitet, vel etiam existentiam suam cognoscat. Copia enim et crassitudo membranarum quibus Fœtus circumvolvitur, æquabilitasque temperaturæ et spissitatis Liquoris amnii quô fœtus na-



tat, externis omnibus resistunt impressionibus, quibus sensationes vel ideæ (causæ motuum voluntariorum) suscitentur.

In vitâ Organicâ foëtûs, vel functionibus istis quarum auxilio nutrimentum corporibus assimilatur et e systemate rejicitur, hæc eadem simplicitas æque apparet. Ad foëtum in liquore natantem non pertinet Respiratio, ista functio organica, in animantibus fere cunctis aëre viventibus, reperta, et quâ in hominibus adultis sanguinis Caloricum augetur, Color mutatur, et Carbonium ejus educitur. Variis autem modis, quos postea deprehendere nitemur, hæ mutationes in sanguine foëtûs efficiuntur. Digestione quoque, quâ Chylus ex cibo nostro variis instrumentis formatur, foëtus minime fungi videtur. Liquorem amnii non a foëtui concoqui, neque ei nutrimentum ullum suppeditare, sed aliis subservire consiliis, a plurimis rebus verisimile fit.



Os a tertio mense penitus clausum,<sup>1</sup> et deglutitionis (ad quam peragendam plurimæ actiones voluntariæ necessariae sunt) præsertim fluidorum maxima difficultas, quo minus in intestina per Œsophagum transeat, huic Liquori valde obstant. Epidermis cutem a principio tegens, et Materia alba glutinosa per totam corporis superficiem obducta, absorptioni obviam ire videntur. Et, quod maxime demonstrat hunc liquorem, neque digestum neque absorptum, nutrimentum foetui suppeditare, quum Foetus maximus est, idioque maximo eget nutrimento, Liquor amnii minima proportione invenitur. Si proportio non talis sed contraria esset, foetus, propinquo partu (quo tempore circiter septem libras et dimidium fere semper pendit,) oceano amniotico circumdaretur. Substantia præterquam glutinosa, “ Vernix

---

<sup>1</sup> Post tertium fere mensem os embryonis firmiter ad sese invicem adductis labiis clausum videtur.—*Soemmering Icones Embry. Hum. p. 4.*



caseosa” interdum dicta, quâ corpus ex omni parte tegitur, et Meconium, partem intestinorum implens, ab Liquore Amnii maxime differunt. Vernix enim firma est, et Alkohole, Oleis, et Aquâ purâ insolubilis; Meconiumque, unguento simile, sine sapore vel odore, in intestinis parvis flavo-viridum et in crassis virido-nigrum est: dum Liquor amnii limpidus, subflavus, et subsalsus est, ex Aqua fere omnino compositus, cum aliquantulo Albuminis, Sodæ, et Muriatis Sodæ.\* Foetus deformes præterea nonnunquam videntur, quibus neque Os nec etiam Caput sunt, et qui nihilo minus, dum in utero, more solito augescunt.

Ex his aliisque observationibus constat Digestionem nullo modo a foetu perfici; pabulumque, quô sanguis foetalis augetur et renovatur, non ab hoc sed quodam alio fonte derivari. Foetus autem liquore amniotico omnino circumdatur, nec ullum aliud commercium

---

\* Rees' Cyclopædia, art. Amnios.



cum matre habet, nisi ex ea parte quâ utero materno, per Placentam, adnectitur.

Hæc ergo origo est, et hæc sola, totius nutrimenti et incrementi fœtûs; per hanc transeunt omnia elementa quæ fœtûs sanguinem constituunt, et in hac, sicut in Pulmonibus adultis, sanguis a nigro et venoso ruber fit et arteriosus. A Placentæ igitur structurâ et functionibus, quod ad sanguinem fœtalem pertinet, incipiemus; et deinde Fœtûs sanguinem et vasa ejus pedetentim circulo sectabimur.

Placenta, perspicuitatis gratiâ, in Maternam et Fœtalem partem dividatur, quæ ambæ tamen in unam massam coëunt. Illa ex vasis Uterinis per desiduum dispersis formatur, dum plurimæ divisiones vasorum Umbilicalium hanc partem constituunt. Arteriæ et venæ uteri quæ placentam maternam formant, non directe, sed cellulis interpositis, (ut videmus in corporibus cavernosis penis,) aliæ in alias transeunt. Vena et arteriæ umbilicales, quarum



ramuli placentam foetalem formant, tubulis continuatis liberrime inter sese, sed nullo modo adhuc comperto cum vasis uterinis, communicant.

Tantum de Placentæ structurâ experimenta Hunteri<sup>1</sup> et aliorum satis probarunt, ex quo videtur eam Pulmonibus adultis simillimam constructam esse. In pulmonibus enim Cellulæ inveniuntur; quæ etiam in placenta. Pulmonum cellulæ, fluidô Oxygenium tenente, perque bronchiæ ramos inductô, replentur; quæ etiam in placentâ fluidum oxygenium habentem continent. In parietibus cellularum pulmonum arteriæ et venæ pulmonales in minimos ramos dividuntur; in iisdem placentæ partibus ramuli vasorum umbilicalium expanduntur.<sup>2</sup> Sanguis in arteriis pulmonalibus Niger et venosus est, dum in venis arteriosus

---

<sup>1</sup> On the Gravid Uterus, 1794.

<sup>2</sup> Darwin's Zoonomia, vol. I. sec. 38.



Ruberque evadit. Sanguinem in arteriis et vena umbilicalibus easdem mutationes subire, hoc experimentum Doctoris Jeffray satis demonstrat.

“ Puero (inquit ille)<sup>1</sup> in obstetricatoris sinu jacente, funiculus, tribus vinculis circumjectis, et simul in arctum tractis, colligatus est. Quo dein juxta umbilicum inciso, in arteriis umbilicalibus et venis, inter duo vincula, placentam proxime, sanguinis copia intercepta est. Intercepti spatii vasa, gelatinosâ funiculi parte cultro dempta, in conspectum venerunt; et arteria, quæ sanguinem jam ante in parte circumlatum, ad placentam perferebat, puncta est; quàm prope arteriæ puncturam vena quoque umbilicalis similiter puncta est. Quo facto, ex vena sanguis effluens, cum eo, qui ex arteria effluebat, facile comparari poterat.

---

<sup>1</sup> Thesis de Placenta, 1786, p. 41.



Hic, venosi sanguinis instar, nigricabat: ille, sanguinis in adulti arteriis more, vivide florebat.” Hoc experimentum iteratum est a Domino Ellis,<sup>1</sup> qui eadem observavit.<sup>2</sup> De re igitur nihil dubii in mente residere debet. Sed quomodo hæ mutationes efficiuntur in placentâ ubi nihil aëris est? Hoc modô ut videtur: Carbonium, quô sanguis in arteriis umbilicalibus nigrescit, in cellulas placentæ secernitur, ubi cum Oxygenio materni sanguinis conjungitur. Sanguis ita in maternæ placentæ venis niger est et venosus, dum in vena umbilicali ruber et omnino arteriosus cernitur. Et res notissima, fæminas Phthisi pulmonali dolentes, graviditate inducta, sæpe ad sanitatem redire, sic explicatur: Oxygenium superfluum, quod a plurimis habetur esse causa hujus morbi, in sanguinem foetalem

---

<sup>1</sup> Audi Prælect. Doctoris Gordon, 1814.

<sup>2</sup> Vide etiam Burns on the Gravid Uterus, 1799, p. 160.



purificando expenditur ; et, in Acidum Carbonicum mutatum, quod dotibus omnino diversis gaudet, per venas uteri in matris systema redit. Et sic dum fœtui addit vigorem, morbum a matre tollit.

Vena umbilicalis sanguinem purum et arteriosum a placenta reducens, fœtûs umbilicum intrat, et, peritoneo circumdata, usque ad partem anteriorem Hepatis ascendit. Per hepatis sulcum decurrens plurimos ramulos, præcipue ad lobum sinistrum, hæc vena dimittit ; et ad Venam Portarum progressa, ramo hujus sinistro conjungitur, in quo sanguis ejus per sinistram hepatis partem transfertur. Vena tamen umbilicalis, jam jam venæ portarum conjungenda, Ductum venosum dimittit ; quô, secundum illustrem Haller, septima pars sanguinis umbilicalis ad venam Cavam inferiorem, interdum ad venam sinistram hepaticam, ducitur. Sanguis niger a partibus fœtûs inferioribus rediens, ramô Venæ Portæ dextrô, fere omnis per lobum hepatis dextrum fertur.



Propter magnitudinem Hepatis foetalis, et copiam sanguinis per id transmissam, quibusdam placuit Physiologis hoc organum ad sanguinem purificandum quodammodo conferre. Et quum Chemicis philosophis notissimum sit, Bilem ex carbonio et hydrogenio præcipue constare; et Physiologis, hunc fluidum liberime a foetu secerni, et in intestina, ad Mecconii partem formandam, effundi;—constat Hepar foetale quasi diverticulum esse superflui Carbonii sanguinis per hoc viscus dispersi. Totum hepar præterea hoc tempore adeposum et oleosum est, ad quas substantias secernendas et carbonium et hydrogenium maxime necessaria sunt. Hinc apparet sanguinem nigrum a partibus inferioribus foetus redientem, rubrum factum iri in Hepate, priusquam in venam cavam transeat, et cum sanguine umbilicali commisceatur.

Sanguis Ruber a placenta et hepate redux, per venam cavam inferiorem transit in Auricu-



lam dextram ; quâ civitate per Foramen Ovale fertur in Auriculam sinistram, et hinc in ejusdem lateris Ventriculum. Ex Ventriculo cordis sinistro per Aortam ad omnes, sed maxime superiores corporis partes, propellitur.

Sanguis Niger a capite partibusque superioribus corporis rediens, per venam cavam superiorem transit in Auriculam dextram ; ex qua, non per foramen ovale cum sanguine rubro inferioris cavæ, sed per ostium aurio-ventriculatum in dextrum Ventriculum fertur. Hujus ventriculi contractione per arteriam pulmonalem et Ductum arteriosum in Aortam descendentem impellitur.

Cor in embryo primum conspicitur, primum movet, et ad alias partes formandas maxime necessarium est. In fœtu peramplum est, majorem partem thoracis implens : auriculæ ejus majores quam ventriculi sunt, et ventriculi æquè viribus valent. “ Ubi cava inferior in aurem dextram hiat, a columna tumida fo-



raminis ovalis sinistra, oritur lunata membrana (Valvula Eustachii dicta,) secundum naturam integra, ob teneritudinem nonnunquam in adultis reticulata, quæ circa limitem inferiorem auriculæ circumducta, perpetuo gracilescens, dum dextrorsum redit incurva, fere dimidium auris ambitum circumscribit, et a vena cava aurem tanquam *septum* separat.”<sup>1</sup> Valvulæ vel potius septi hujus ope, et obliquâ terminatione Cavæ inferioris, cujus ostium ante foramen ovale directe hiat, et columnis crassis Foraminis ovalis, Sanguis Ruber fere omnino separatur a Nigro superioris cavæ, rivôque parum turbatô per Foramen ovale in Aures sinistram manat.

Etsi in adultis Valvula Eustachii interdum reticulata reperta est, in foetu fere semper est integra et magna. Nuper tamen amicissimus mihi Dominus Fyfe eam vidit in puero jam

---

<sup>1</sup> Haller. Primæ lineæ Physiologiæ, 1767, p. 40.



nato foraminibus multis perforatam, et omnino reticulatam. In hac conditione parum accurate muneribus suis perfungi posset; Sanguis Ruber cum nigro superioris cavæ commisceretur, et per dextrum ventriculum, ductum arteriosum, aortam, arteriasque umbilicales, iterum iterumque ad placentam transiret. Sanguisque Niger superioris cavæ, per foramen ovale, sinistrum latus cordis, et ramos ascendentes arcûs aortæ, ad Cerebrum, partesque foetus superiores circulô continuô manaret; iisque partibus, ad vitam beatitudinemque nostram eheu quam necessariis! vice nutrimenti Carbonium lethale suppeditaret.

Foramen ovale in septo auricularum positum, Valvulam habet ex duplicatura membranae aurium internæ formatam, quæ prohibet sanguinem quo minus retrorsum a sinistra ad dextram auriculam transeat. Hæc membrana ad marginem tumidum superiorem Foraminis paulatim conjungitur, donec, cito post partum,



omnino clauditur, et nihil ibi videtur nisi Fossa ovalis. Hoc foramen apertum tamen clariss. Haller<sup>1</sup> in hominibus cujusque ætatis reperit. In iis, constat, Sanguinem Nigrum a dextro ad sinistrum latus cordis, et per aortam ad omnes partes corporis transiturum fuisse ; iisque hinc hominibus futuram fuisse superficiem lividam et frigidam, totiusque corporis et mentis hebetudinem.

Quibusdam placet Foramen ovale in iis urinatoribus<sup>2</sup> apertum manere ; qui, dum margaritas quærunt, horæ dimidium sine molestia sub aqua vivere feruntur.<sup>3</sup>

Rem ita se habere verisimillimum est, nec aliter bene explicari potest : nam notissimum est, homines, foramine clauso, nequire horæ etiam vigesimam partem aëre carentes vivere.

---

<sup>1</sup> Elem. Physiologiæ, lib. xxx. p. 10.

<sup>2</sup> (Anglice Pearl-divers.)

<sup>3</sup> Encyclopædia Britannica, 1797, art. Pearl.



Prætereaque in infante, cujus arteria pulmonalis omnino clausa fuit, et nullum idio sanguinem per pulmones, ut Ruber fieret, transmisit, foramen ovale magno ore hians inventum est; et vivebat ille, mirabile dictu! sine sanguine rubro per dies tredecim.<sup>1</sup> A primâque fortasse ætate, urinator paulatim sese consueverit sub aqua per tam longum tempus manere; et sic ab initio foramen ovale apertum servaverit, vel cito post clausum sit, ruperit.

Cavitas pectoris in fœtu brevis est, quæ comprimatur ab enormi mole hepatis;<sup>2</sup> pulmones pro cordis portione exigui, solidi, ut

---

<sup>1</sup> Baillie's Morbid Anatomy, 1812, p. 36.

<sup>2</sup> C'est la grandeur plus considérable du Foie (inquit Cuvier) dans les animaux qui respirent moins, et la privation totale où en sont les insectes dont la respiration est la plus complète qu' il soit possible, puisque tout leur corps est, pour ainsi dire, un poumon, ont sait penser que le foie supplée jusqu' à un certain point à ce dernier organe, en enlevant comme lui au sang ses deux principes combustibles.—*Leçons d'Anatomie Comparée, tom. I. p. 57.*



fundum petunt, si ab omni aere mediis in aquis seclusi sint. Quare cum tantam sanguinis copiam absque respiratione pulmones transmittere nequeant, quanta in adultis transit, aliæ viæ in foetu paratæ sunt, quibus maxima pars sanguinis ex vena umbilicali et cava inferiori, in aortam arteriam, intacto pulmone, transeat. Arteria pulmonalis, in foetu major est quam aorta; rectâque viâ a ventriculo dextro continuatur in Ductum arteriosum. Hic ductus, qui lumine conjuncto utriusque rami pulmonalis major est, et major longe quam hiatus foraminis ovalis, et qui in aortam infra arteriam subclaviam intrat, plus mediâ parte sanguinis nigri arteriæ pulmonalis inferiori aortæ dat, quem alioquin sinistrum cor, et rami ascendentes aortæ accepissent; quæ ipsa causa est quare aorta ubi ex corde prodit, in foetu adeo parva sit. Ita et a pulmone onus avertitur; et magna pars sanguinis nigri rectius ad arterias umbilicales duci-

tur; et vires utriusque cordis in propellando aortæ sanguine uniuntur.

Sic videtur sanguinem rubrum, non cum nigro ventriculi dextri commistum, transire, ad partes corporis superiores alendas. Hæ inde in fœtu maximæ sunt, sub cujus primordia caput (inquit Haller') prægrande est, et reliqui corporis magnitudinem diu æquat et superat. Sanguis utriusque ventriculi cordis (qui simul, ut in adulto, contrahunt) per aortam impulsus, ad omnes partes corporis, sed maxime ad arterias internas Iliacas, quæ in fœtu longe majores quam externæ sunt. Ex parvitate arteriarum quæ cruribus nutrimentum suppeditant, hæ partes diu post partum debiles et inutiles manent, et homo jam natus instar quadrupedis, humi repere cogitur.

Arteriæ internæ Iliacæ, quæ, propter magnitudinem, protractiones aortæ habeantur, a pel-

---

\* Elem. Phys. lib. xxix. p. 361.



vi obliquè ascendunt per latera vesicæ urina-  
riæ, et extra peritoneum, ad Umbilicum; ex  
qua parte per funiculum, ubi Arteriæ Umbili-  
cales nominantur, cursu tortuoso ad Placen-  
tam transeunt. Arteriæ umbilicales duæ pri-  
usquam in placentam transeunt, canali magno  
liberrime inter sese communicant. Utraque  
dein in ramos minutissimos divisa, ut sanguis  
earum niger has mutationes subeat quas an-  
tea diximus, per cellulas placentæ distribui-  
tur.

Hinc videtur Circuitum sanguinis in syste-  
mate foetali longe alium esse ac in adulto.  
Huic cor duplex est, ventriculis suis imper-  
vio septo sejunctis, et sanguis inde totius cor-  
poris per pulmones transit, in quibus, aeris  
vi, a nigro ruber factus est. Foetui tamen  
cor unum et Systemicum est, aortaque duos  
ramos habet ductum scilicet arteriosum, et  
aortam ascendentem: minimaque pars sangui-  
nis nigri per pulmones parvos et collapsos

transit, ubi, non aëri subjectus, fortasse nigrior fiat. Sanguis niger in pulmones fœtales immittitur, non ut nutrimentum iis suppeditet, vel carbonium suum secernat; sed ut vasa pulmonalia aperta servet et paulatim extendat.

“ La marche de ce fluide dans les vaisseaux du fœtus (inquit illustris Professor Sabatier,<sup>1</sup>) ne ressemble pas mal a un 8 de chiffre. Il y arrive par la veine ombilicale. Il entre dans la veine cave inferieure. Il passe par le trou ovale, qui le transmit a l'oreillette et au ventricule gauche. Il est conduit en grande partie aux extremités superieures par les trois grosses branches qui naissent de la crosse de l'aorte. Il revient au cœur par la veine cave superieure. Celle-ci le verse dans l'oreillette droite. Il tomb dans le ventricule du même côté, qui le pousse a son tour dans l'artere

---

<sup>1</sup> Traité complet d'Anatomie, tom. iii. p. 395.



pulmonaire. Il est transmis a l'aorte au moyen du canal arteriel. Enfin les arteres ombilicales le remenant au placenta."

Systema sanguinis rubri maximum est in Foetu; hujus enim non solum arteriæ sed plurimæ etiam venarum sanguinem rubrum vehunt. Hinc nubo in totâ corporis superficie; hinc variæ secretiones, Vernix caseosa, Meconium, Bilis, Urina, Lac, aliæque in foetu repertæ; et hinc universi incrementi celeritas.

Annis autem nostris progredientibus nigri sanguinis systema magis magisque amplificatur: Hinc venæ cœruleæ quæ frontem senilem decorant, haud in facie roseâ nitidâque juventutis apparent. Universum systema nervosum in foetu permagnum est; hoc enim systema in puero jam nato, secundum Haller, ad idem in adulto, ratione 9 ad 1 est. "Quare (inquit ille) merito sensus foetui est acrior, etiam infantibus ut a sono graviore facile ter-

reantur, et convellantur; ut acrimonia vini corpus concutiat; ut facillime ad levem injuriam in lacrimas, inque clamores erumpant; ut etiam Cordis motus celerior sit." Totius sanguiferi systematis irritabilitas quò seniores evadimus, eò magis imminuitur: hinc arteriæ, quæ in fœtu centies et quadragies in sexagesima horæ parte pulsant, haud amplius tertiâ istius numeri parte in senibus contrahunt.

Varias inter physiologorum sententias de fonte quâ fœtus nutrimentum, ad sanguinem suum formandum, haurit, ista Professoris Schreger mihi videtur verisimillima, et paucissimis objectionibus comitari.

"Omnis humorum inter matrem et fœtum communio (inquit ille!) absorbentium vasorum ope peragitur. Quicquid igitur succi ab uteri arteriis in partem placentæ maternam destillat, sicuti non sanguiferæ sed absorbentes

---

<sup>1</sup> De Functione Placentæ Uterinæ, 1779, p. 6.



foetalis partis venæ hauriunt, et ad foetum transducunt, ita effusi in placenta e foetûs arteriis liquores non per venas uteri, sed per vasa ejusdem Absorbentia ad matrem revehuntur. Venoso itaque placentæ systemati nullum aliud munus superest, quam ut more in corpore animali communi sanguinem a continuis arteriis sibi infusum iterum iterumque reducant. Est igitur Placenta exporrecta quædam infantilis corporis pars, per quam sanguinis circuitus continuatur. Neutrum arteriarum systema verum sanguinem in placentæ recessus deponit; quod de uterinis jam notum est, umbilicales ostendam itidem nonnisi serosis transpirationibus vacare. His redux a foetu sanguis magna carbonii sui parte liberatur, his primum refingitur et ad nutritionem denuo aptus fit. Alterum perfectionis gradum sanguis tum subit, cum post factum ad hepar foetûs reditum bilis secretionem denuo carbonium dimittit. Tertium tandem, ubi in cor-

pore foetus et lymphæ maternæ oxygenio ditatur et vasorum vi subigitur. Lympha igitur hæc non prius ad sanguinis massam pervenit, quam in foetu per ductum thoracicum ei admixta. Mera igitur et genuina seorsim per suos canales huc transit, neque ejus in sanguinem conversio jam in ipsa placenta inchoatur, sed foetus naturæ pleraque commissa est.”

“This ingenious theory (inquit illust. Professor Monro<sup>1</sup>) rests upon an alleged existence of lymphatic vessels in the placenta and umbilical cord ; of the existence of which there can be no doubt, as several authors of credit, Meckel, Waltherus, Ludwig, Mascagni, Wrisberg, and Reuss, have described them.”

Talis est circuitus sanguinis, et talia sunt instrumenta quibus movetur, dum foetus adhuc in utero materno manet. Partu tamen

---

<sup>1</sup> Outlines of Anatomy, 1814, vol. iii. p. 449.



variæ mutationes in systemate sanguifero, et toto etiam corpore, cito efficiuntur; functiones novæ peragi a foetu incipiunt; et Homo jam nascitur,—recte enim a Locke metaphysicorum principi dicitur, “ A foetus in the mother’s womb differs not much from the state of a vegetable.”

Quum foetus ab utero in aëra projicitur, funiculusque umbilicalis ligatur et dividitur, *Μικροκοσμος* motu chaotico repente turbatur,

and the state of man,

Like to a little kingdom, suffers then

The nature of an insurrection.

*Shakspeare’s Julius Cæsar, act II. sc. I.*

Vena umbilicalis et Ductus Venosus vacui clausique evadunt, et denuo in ligamenta mutantur. Sanguis niger per utrosque ramos venæ portarum transit, et cum sanguine superioris cavæ in ventriculo cordis dextro commiscetur, foramine ovali nunc fere penitus clauso. Valvula Eustachii, inter flumina superioris et in-



ferioris cavæ agitata, paulatim imminuitur, interdumque foraminibus multis perforatur, ali-  
oque demum quam priori consilio subservit; obstat enim in adulto quo minus sanguis ab auricula in cavam inferiorem regurgitet. Pulmones, aëre nunc expansi, sanguinem fere omnem ventriculi dextri accipiunt et paulatim a Ductu Arterioso illiciunt, qui demum igitur in ligamentum impervium convertitur. Sanguis aëre in pulmonibus rubefactus, per aortam ad omnes partes corporis, inferiores æque ac superiores, ducitur, nullo sanguine nigro, ut antea, a ductu arterioso addito. Arteriæ externæ Iliacæ, quæ cruribus nutrimentum vehunt, sanguine omnino rubro replentur, paulatimque augentur donec multo majores quam internæ fiunt; arteriis duobus umbilicalibus obstructis et in ligamenta mutatis.

Hæ variæ mutationes, per reliquam vitam mansuræ, ante finem primi post partum anni sæpissime efficiuntur; et a plurimis medicis



referuntur ad vim naturalem, quâ, nihilo ob-  
stante, partes in seipsas contrahunt; ad com-  
pressionem a visceribus circumjacentibus; et  
ad cursum novum, quô nunc vehitur sanguis.  
Quomodo autem hæ ac multæ aliæ mutationes  
in corporibus humanis oriuntur, cognitionem  
nostram fugit; et quò difficiliore explicatu  
sunt, eò magis admiranda venerandaque est  
Sapientia illa benigna quâ tam pulchre et miri-  
fice sumus fabricati.

FINIS.